

**BOSNA I HERCEGOVINA
FEDERACIJA BOSNE I HERCEGOVINE
BOSANSKO - PODRINJSKI KANTON GORAŽDE
VLADA KANTONA**

NACRT

**ZAKON O IZMJENAMA I DOPUNAMA ZAKONA
O VISOKOM OBRAZOVANJU**

Goražde, januar 2017. godine

PRIJEDLOG ZAKONA

Na osnovu člana 23. stav b. Ustava Bosansko-podrinjskog kantona Goražde (“Službene novine Bosansko-podrinjskog kantona Goražde”, br. 8/98, 10/00, 5/03.), Skupština Bosansko-podrinjskog kantona Goražde na sjednici održanoj dana _____ godine, donosi:

ZAKON O IZMJENAMA I DOPUNAMA ZAKONA O VISOKOM OBRAZOVANJU

Član 1.

U Zakonu o visokom obrazovanju (Službene novine Bosansko – podrinjskog kantona Goražde broj: 2/10 i 12/14) u članu 17. Stav (4) riječi “Ministarstvu za obrazovanje, nauku, kulturu i sport Bosansko – podrinjskog kantona Goražde zamjenjuje se riječima “Ministarstvu za obrazovanje, mlade, nauku, kulturu i sport Bosansko – podrinjskog kantona Goražde”

Član 2.

Član 20. mijenja se i glasi:

“Član 20.

(Rješenje o ispunjavanju uslova za početak rada)

- (1) Nakon usvajanja elaborata iz člana 17. ovog zakona i dostavljanja zahtjeva za donošenje rješenja o ispunjenosti uslova za početak rada i obavljanja djelatnosti visokog obrazovanja, na prijedlog Ministarstva, Vlada Kantona imenuje komisiju koja ispituje ispunjenost propisanih uslova.
- (2) Prije upućivanja zahtjeva visokoškolske ustanove iz stava (1) ovog člana prema Vladi Kantona, Ministarstvo provjerava urednost zahtjeva.
- (3) Ukoliko Ministarstvo utvrdi nedostatke u zahtjevu iz stava (1) ovog člana, odredit će naknadni rok koji ne može biti duži od 30 dana za otklanjanje istih.
- (4) Ako podnosilac zahtjeva u roku iz stava (3) ovog člana ne otkloni utvrđene nedostatke, Ministarstvo obustavlja daljnji postupak.
- (5) Komisija iz stava (1) ovog člana broji pet članova od kojih su najmanje tri člana sa spiska domaćih i međunarodnih stručnjaka za ocijenjivanje i reviziju kvaliteta Agencije za razvoj visokog obrazovanja i osiguranja kvaliteta Bosne i Hercegovine (u daljem tekstu: Agencija) i najmanje jedan član ispred Ministarstva.
- (6) Na osnovu ocjene komisije iz stava (1) ovog člana Vlada Kantona donosi rješenje kojim se utvrđuje da li su ispunjeni uslovi za početak rada i obavljanje djelatnosti visokog obrazovanja i isto dostavlja Ministarstvu na dalje postupanje
- (7) Rješenje iz stava (6) ovog člana je upravni akt protiv koga nije dopuštena žalba, ali se može pokrenuti upravni spor.
- (8) Postupak rada komisije iz stava (1) ovog člana, bliže se uređuje propisom koji donosi ministar.

Član 3.

U članu 21. u stavu (2) iza riječi “umjetnosti” briše se tačka i dodaju riječi “ i studija medicinske grupe nauka ako ima u radnom odnosu najmanje jednu četvrtinu od ukupnog broja nastavnika potrebnih za izvođenje nastave na obaveznim nastavnim predmetima za sve cikluse koje organizuje utvrđenim nastavnim planom i programom.

Stav (3) briše se.

Član 4.

U članu 22. iza stava (1) dodaju se stavovi (2) i (3) koji glase:

(2) Uz zahtjev iz stava (1) ovog člana visokoškolska ustanova dostavlja osnivački akt i dokaze o ispunjenosti uslova za rad.

(3) Visokoškolska ustanova za čije osnivanje i rad se ne obezbjeđuju sredstava u budžetu Kantona, dostavlja i bankarsku garanciju za nastavljjanje i završetak studija za slučaj prestanka rada visokoškolske ustanove iz člana 26. ovog zakona ili prestanka izvođenja određenog studijskog programa u iznosu od 25% školarine koju su platili studenti upisani na licencirani studijski program.

Dosadašnji stav (2) postaje stav (4).

Član 5.

Član 23. mijenja se i glasi:

(Visokoškolska ustanova sa sjedištem izvan Kantona)

(1) Visokoškolska ustanova sa sjedištem izvan Kantona ili u drugoj državi može organizovati studij na području Kantona, uz prethodnu saglasnost osnivača i Vlade Kantona, koja utvrđuje da li postoji društvena opravdanost za organizaciju takvog studija.

(2) Društvena opravdanost iz stava (1) ovog člana podrazumjeva postojanje potrebe i opravdanosti za organizacijom takvog studija na području Kantona, a što može biti uzrokovano nepostojanjem takvog studija na visokoškolskim ustanovama Kantona.

(3) Na osnovu saglasnosti iz stava (1) ovog člana Vlada Kantona na prijedlog Ministarstva utvrđuje da li su ispunjeni uslovi iz člana 21. ovog zakona.

(4) Vlada Kantona daje prethodnu saglasnost na odluku o upisu studenata u prvu godinu dodiplomskog studija na visokoškolskoj ustanovi iz stava (1) ovog člana.

Član 6.

U članu 24. iza stave (4) dodaje se stav (5) i glasi:

(5) Protiv rješenja iz stava (4) ovog člana ne može se izjaviti žalba ali se može pokrenuti upravni spor pred nadležnim sudom.

(6) Dosadašnja stav (5) postaje stav (6).

Član 7.

Član 31. mijenja se i glasi:

(Postupak akreditacije)

- (1) Postupak akreditacije započinje podnošenjem zahtjeva visokoškolske ustanove Ministarstvu, najmanje godinu dana prije datuma za koji se traži akreditacija.
- (2) Prije podnošenja zahtjeva za akreditaciju visokoškolska ustanova je obavezna izraditi samoevaluacijski izvještaj.
- (3) Ministarstvo prosljeđuje zahtjev Agenciji koja Ministarstvu daje preporuku o ishodu akreditacije.
- (4) Na osnovu preporuke Agencije kojom je utvrđen ishod akreditacije, Ministarstvo donosi rješenje o akreditaciji.
- (5) Rješenje o akreditaciji dostavlja se Agenciji koja vrši provjeru usklađenosti istog i upisuje visokoškolsku ustanovu u Registar akreditiranih visokoškolskih ustanova.
- (6) Akreditacija se izdaje na rok od četiri godine, nakon čega se provodi ponovna akreditacija.
- (7) Zahtjev za ponovnu akreditaciju podnosi se najmanje šest mjeseci prije isteka akreditacije.
- (8) Visokoškolska ustanova prestaje upisivati studente na studijske programe za koje ne dobije akreditaciju.
- (9) Visokoškolska ustanova je dužna ranije upisanim studentima na studijskim programima za koje nije dobila akreditaciju omogućiti o svom trošku završetak studija.

Član 8.

U članu 54. u stavu (2) i (3) riječ "javnog" briše se

Član 9.

U članu 55. u stavu (1) ,(3) i (4) riječ "javnog" briše se

Član 10.

Iza člana 55. dodaje se novi član 55 a. i glasi

(Vršilac dužnosti rektora, prorektora i direktora)

- (1)Ukoliko procedura imenovanja rektora, prorektora i direktora visoke škole nije okončana do isteka mandata, senat će, bez konkursa, imenovati vršioca dužnosti rektora, prorektora i direktora visoke škole iz reda nastavnog osoblja stim što mora ispunjavati uslove potrebne za imenovanje rektora, prorektora i direktora visoke škole.
- (2)Vršilac dužnosti rektora, prorektora i direktora visoke škole ima sva prava i dužnosti rektora, prorektora i direktora visoke škole.
- (3)Vršilac dužnosti rektora, prorektora i direktora visoke škole rukovodi univerzitetom odnosno visokom školom do imenovanja rektora, prorektora i direktora , a najduže šest mjeseci.

Član 11.

Iza člana 68. dodaje se novi član 68 a. i glasi:

(Vršilac dužnosti dekana)

- (1)Ukoliko procedura imenovanja dekana nije okončana do isteka mandata, nastavno naučno vijeće će, bez konkursa, imenovati vršioca dužnosti dekana iz reda nastavnog osoblja stim što mora ispunjavati uslove potrebne za imenovanje dekana.
- (2)Vršilac dužnosti dekana ima sva prava i dužnosti dekana .
- (3)Vršilac dužnosti dekana rukovodi fakultetom, akademijom ili visokom školom do imenovanja dekana, a najduže šest mjeseci.

Član 12.

Iza člana 71. dodaje se novi član 71 a. i glasi:

(Vršilac dužnosti direktora instituta)

- (1)Ukoliko procedura imenovanja direktora instituta nije okončana do isteka mandata, nastavno vijeće će, bez konkursa, imenovati vršioca dužnosti direktora instituta iz reda nastavnog osoblja stim što mora ispunjavati uslove potrebne za imenovanje direktora instituta
- (2)Vršilac dužnosti direktora instituta ima sva prava i dužnosti direktora instituta.
- (3)Vršilac dužnosti direktora instituta rukovodi institutom do imenovanja direktora, a najduže šest mjeseci.

Član 13.

Iza člana 73. dodaje se novi član 73 a. i glasi:

(Vršilac dužnosti direktora studentskog centra)

- (1)Ukoliko procedura imenovanja direktora studentskog centra nije okončana do isteka mandata, upraani odbor će, bez konkursa, imenovati vršioca dužnosti direktora studentskog centra iz reda zaposlenika stim što mora ispunjavati uslove potrebne za imenovanje direktora studentskog centra.
- (2)Vršilac dužnosti direktora studentskog centra ima sva prava i dužnosti direktora studentskog centra.
- (3)Vršilac dužnosti direktora studentskog centra rukovodi studentskog centra do imenovanja direktora, a najduže šest mjeseci.

Član 14.

U članu 91. riječi “Službene novine Federacije BiH, broj: 43/99,32/00 i 29/03 zamjenjuju se riječima “Službene novine Federacije BiH, broj: 26/16”.

Član 15.

U članu 146. u stavu (1) tačka a) riječi “člana 55. i 58. zamjenjuju se riječima “člana 55, 55a i 58”

U tački b) riječi “člana 68. zamjenjuju se riječima “člana 68 i 68a”

Član 16.

(Rok za donošenje propisa i opštih akata)

(1) Propisi za sprovođenje ovog zakona donijet će se u roku od godinu dana od dana stupanja na snagu ovog zakona.

(2) Do donošenja akata iz stavova (1) i (2) ovog člana primjenjivat će se propisi koji su važili do dana stupanja na snagu ovog zakona, ako nisu u suprotnosti sa odredbama ovog zakona.

Član 17.

(Usklađivanje rada visokoškolskih ustanova)

Postojeće visokoškolske ustanove obavezne su uskladiti svoju organizaciju, rad, opšte akte i ugovore o radu sa ovim zakonom u roku od jedna godine od dana stupanja na snagu ovog zakona.

Član 18.

(Mandat organa Univerziteta zatečenih na dužnosti)

(1) V.D. rektor Univerziteta ostaje na dužnosti do imenovanja rektora po javnom konkursu u skladu sa ovim zakonom.

(2) Prorektori, dekani i prodekani zatečeni na dužnosti na dan stupanja na snagu ovoga zakona, obavljat će svoju dužnost do imenovanja novog prorektora, dekana i prodekana u skladu sa ovim zakonom.

Član 19.

(Stupanje na snagu)

Ovaj Zakon stupa na snagu osmog dana od dana objavljivanja u “Službenim novinama Bosansko – podrinjskog kantona Goražde”.

Broj: _____/16
Goražde, _____.2016. godine

PREDSJEDAVAJUĆA SKUPŠTINE

Aida Obuća

OBRAZLOŽENJE

I - PRAVNI OSNOV

Pravni osnov za donošenje Zakona o izmjenama i dopunama Zakona o visokom obrazovanju sadržan je u člana 23. stav b. Ustava Bosansko-podrinjskog kantona Goražde ("Službene novine Bosansko-podrinjskog kantona ", broj: br. 8/98, 10/00, 5/03, kojima je utvrđeno da „Skupština donosi zakone i druge propise u okviru izvršenja nadležnosti kantona, izuzev propisa koji su ovim Ustavom ili Zakonom dati u nadležnost Vladi kantona“.

II - RAZLOZI ZA DONOŠENJE ZAKONA

Razlozi za donošenje Zakona o izmjenama i dopunama Zakona o visokom obrazovanju proizilaze iz činjenice da su se prilikom primjene Zakona o visokom obrazovanja pojavile nejasnoće odnosno pravne nedorečenosti vezano za njegovu primjenu.

III - OBRAZLOŽENJE ZNAČAJNIJIH PRAVNIH RJEŠENJA

Članom 1. Zakona o izmjenama i dopunama Zakona o visokom obrazovanju u članu 17. stav (4) riječi "Ministarstvu za obrazovanje, nauku, kulturu i sport Bosansko – podrinjskog kantona Goražde zamjenjuje se riječima "Ministarstvu za obrazovanje, mlade, nauku, kulturu i sport Bosansko – podrinjskog kantona Goražde". Izmjene se vrše iz razloga što je došlo do promjene naziva ministarstva.

Članom 2. Zakona o izmjenama i dopunama Zakona o visokom obrazovanju član 20. mijenja se iz razloga tog što je potrebno preciznije definisati donošenje Rješenja o ispunjavanju uslova za početak rada i obavljanja djelatnosti visokog obrazovanja.

Članom 3. Zakona o izmjenama i dopunama Zakona o visokom obrazovanju u članu 21. u stavu (2) iza riječi "umjetnosti" briše se tačka i dodaju riječi " i studija medicinske grupe nauka ako ima u radnom odnosu najmanje jednu četvrtinu od ukupnog broja nastavnika potrebnih za izvođenje nastave na obaveznim nastavnim predmetima za sve cikluse koje organizuje utvrđenim nastavnim planom i programom.

Stav (3) briše se

Izmjena se vrši iz razloga tog što je potrebno precizirati na studiju medicinske grupe nauka procenat nastavnika potrebnih za izvođenje nastave na obaveznim nastavnim predmetima za sve cikluse koje organizuje utvrđenim nastavnim planom i programom.

Članom 4 . Zakona o izmjenama i dopunama Zakona o visokom obrazovanju u u članu 22. iza stava (1) dodaju se stavovi (2) i (3), koji glase:

(2) Uz zahtjev iz stava (1) ovog člana visokoškolska ustanova dostavlja osnivački akt i dokaze o ispunjenosti uslova za rad.

(3) Visokoškolska ustanova za čije osnivanje i rad se ne obezbjeđuju sredstava u budžetu Kantona, dostavlja i bankarsku garanciju za nastavljavanje i završetak studija za slučaj prestanka rada visokoškolske ustanove iz člana 26. ovog zakona ili prestanka izvođenja određenog studijskog programa u iznosu od 25% školarine koju su platili studenti upisani na licencirani studijski program.

Dosadašnji stav (2) postaje stav (4).

Izmjene se vrše iz razloga tog što je potrebno definisati koje akte uz zahtjev visokoškolska ustanova dostavlja kao i potrebu dostavljanja bankarske garancije za nastavljanje i završetak studija za slučaj prestanka rada visokoškolske ustanove.

Članom 5. Zakona o izmjenama i dopunama Zakona o visokom obrazovanju član 23. mijenja se iz razloga što je potrebno precizirati procedure organizovanja studija na području kantona od strane visokoškolske ustanove sa sjedištem izvan kantona.

Članom 6. Zakona o izmjenama i dopunama Zakona o visokom obrazovanju u članu 24. iza stave (4) dodaje se stav (5) i glasi:

(5) Protiv rješenja iz stava (4) ovog člana ne može se izjaviti žalba ali se može pokrenuti upravni spor pred nadležnim sudom.

(6) Dosadašnja stav (5) postaje stav (6).

Izmjene se vrše radi otklanjanja dilema oko mogućnosti izjavljivanja žalbe odnosno pokretanja upravnog spora.

Članom 7. Zakona o izmjenama i dopunama Zakona o visokom obrazovanju mijenja se član 31. i glasi:

(1) Postupak akreditacije započinje podnošenjem zahtjeva visokoškolske ustanove Ministarstvu, najmanje godinu dana prije datuma za koji se traži akreditacija.

(2) Prije podnošenja zahtjeva za akreditaciju visokoškolska ustanova je obavezna izraditi samoevaluacijski izvještaj.

(3) Ministarstvo prosljeđuje zahtjev Agenciji koja Ministarstvu daje preporuku o ishodu akreditacije.

(4) Na osnovu preporuke Agencije kojom je utvrđen ishod akreditacije, Ministarstvo donosi rješenje o akreditaciji.

(5) Rješenje o akreditaciji dostavlja se Agenciji koja vrši provjeru usklađenosti istog i upisuje visokoškolsku ustanovu u Registar akreditiranih visokoškolskih ustanova.

(6) Akreditacija se izdaje na rok od četiri godine, nakon čega se provodi ponovna akreditacija.

(7) Zahtjev za ponovnu akreditaciju podnosi se najmanje šest mjeseci prije isteka akreditacije.

(8) Visokoškolska ustanova prestaje upisivati studente na studijske programe za koje ne dobije akreditaciju.

(9) Visokoškolska ustanova je dužna ranije upisanim studentima na studijskim programima za koje nije dobila akreditaciju omogućiti o svom trošku završetak studija.

Izmjene se vrše iz razloga tog što je potrebno detaljno definisati postupak akreditacije.

Članom 8. Zakona o izmjenama i dopunama Zakona o visokom obrazovanju u članu 54. u stavu (2) i (3) riječi "javnog brišu se iz razloga tog što je potrebno otkloniti dilemu da li se izbor rektora i direktora odnosi na javne ili na private univerzitete. Brisanjem ove riječi otklonjenje su nejasnoće tako da se naprijed navedeni postupak odnosi kako na javne tako i na private univerzitete.

Članom 9. Zakona o izmjenama i dopunama Zakona o visokom obrazovanju u članu 55. u stavu (1), (3) i (4) riječi "javnog brišu se iz razloga tog što je potrebno otkloniti dilemu da li se izbor rektora, prorektora i direktora odnosi na javne ili na private univerzitete. Brisanjem ove riječi otklonjenje su nejasnoće tako da se naprijed navedeni postupak odnosi kako na javne tako i na private univerzitete.

Članom 10. Zakona o izmjenama i dopunama Zakona o visokom obrazovanju iza člana 55 dodaje član 55a koji glasi: (1) Ukoliko procedura imenovanja rektora, prorektora i direktora nije okončana do isteka mandata, senat će, bez konkursa, imenovati vršioca dužnosti rektora, prorektora i direktora iz reda nastavnog osoblja stim što mora ispunjavati uslove potrebne za imenovanje rektora, prorektora i direktora.

(2) Vršilac dužnosti rektora, prorektora i direktora ima sva prava i dužnosti rektora, prorektora i direktora .

(3) Vršilac dužnosti rektora, prorektora i direktora rukovodi univerzitetom odnosno visokom školom do imenovanja rektora, prorektora i direktora, a najduže šest mjeseci.

Izmjene se vrše iz razloga tog što je potrebno definisati procedure imenovanja vršioca dužnosti rektora, prorektora i direktora. Naime ukoliko procedura imenovanja, rektora, prorektora i direktora ne bude okončana do isteka mandata, a u cilju normalnog funkcionisanja ustanove potrebno je izvršiti imenovanje vršioca dužnosti.

Članom 11. Zakona o izmjenama i dopunama Zakona o visokom obrazovanju iza člana 68. Dodaje se član 68.a i glasi:

(1) Ukoliko procedura imenovanja dekana nije okončana do isteka mandata, nastavno naučno vijeće će, bez konkursa, imenovati vršioca dužnosti dekana iz reda nastavnog osoblja stim što mora ispunjavati uslove potrebne za imenovanje dekana.

(2) Vršilac dužnosti dekana ima sva prava i dužnosti dekana.

(3) Vršilac dužnosti dekana rukovodi fakultetom, akademijom ili visokom školom do imenovanja dekana, a najduže šest mjeseci.

Izmjene se vrše iz razloga tog što je potrebno definisati procedure imenovanja vršioca dužnosti dekana. Naime ukoliko procedura imenovanja dekana ne bude okončana do isteka mandata, a u cilju normalnog funkcionisanja ustanove potrebno je izvršiti imenovanje vršioca dužnosti dekana.

Članom 12. Zakona o izmjenama i dopunama Zakona o visokom obrazovanju iza člana 71. dodaje se član 71.a. koji glasi:

(1) Ukoliko procedura imenovanja direktora studentskog centra nije okončana do isteka mandata, upravni odbor će, bez konkursa, imenovati vršioca dužnosti direktora studentskog centra iz reda zaposlenika stim što mora ispunjavati uslove potrebne za imenovanje direktora studentskog centra.

(2) Vršilac dužnosti direktora studentskog centra ima sva prava i dužnosti direktora studentskog centra.

(3) Vršilac dužnosti direktora studentskog centra rukovodi studentskog centra do imenovanja direktora, a najduže šest mjeseci.

Izmjene se vrše iz razloga tog što je potrebno definisati procedure imenovanja vršioca dužnosti direktora instituta. Naime ukoliko procedura imenovanja direktora instituta ne bude okončana do isteka mandata, a u cilju normalnog funkcionisanja ustanove potrebno je izvršiti imenovanje vršioca dužnosti direktora instituta.

Članom 13. Zakona o izmjenama i dopunama Zakona o visokom obrazovanju iza člana 73. dodaje se član 73.a. koji glasi:

(1) Ukoliko procedura imenovanja direktora studentskog centra nije okončana do isteka mandata, upravni odbor će, bez konkursa, imenovati vršioca dužnosti direktora studentskog centra iz reda zaposlenika stim što mora ispunjavati uslove potrebne za imenovanje direktora studentskog centra.

(2) Vršilac dužnosti direktora studentskog centra ima sva prava i dužnosti direktora studentskog centra.

(3) Vršilac dužnosti direktora studentskog centra rukovodi studentskog centra do imenovanja direktora, a najduže šest mjeseci.

Izmjene se vrše iz razloga tog što je potrebno definisati procedure imenovanja vršioca dužnosti direktora studentskog centra. Naime ukoliko procedura imenovanja direktora studentskog centra ne bude okončana do isteka mandata, a u cilju normalnog funkcionisanja ustanove potrebno je izvršiti imenovanje vršioca dužnosti direktora studentskog centra.

Članom 14. Zakona o izmjenama i dopunama Zakona o visokom obrazovanju u članu 91. riječi "Službene novine Federacije BiH, broj: 43/99,32/00 i 29/03 zamjenjuju se riječima "Službene novine Federacije BiH, broj: 26/16"

Izmjene se vrše iz razloga tog što je donošen novi Zakona o radu a stim u vezi I do promjene broja službenih nivina u kojima je zakon objavljen.

Članom 15. Zakona o izmjenama i dopunama Zakona o visokom obrazovanju u članu 146. u stavu (1) tačka a) riječi “člana 55. i 58. zamjenjuju se riječima “člana 55, 55a i 58”

U tački b) riječi “člana 68. zamjenjuju se riječima “člana 68 i 68a”

Izmjene se vrše iz razloga tog što je u kaznenim odredbama potrebno ubaciti i članove koji su utvrđeni ovim izmjenama zakona.

Članom 16. Zakona o izmjenama i dopunama Zakona o visokom obrazovanju utvrđen je rok za donošenje propisa.

Članom 17. Zakona o izmjenama i dopunama Zakona o visokom obrazovanju definisana je obaveza usklađivanja rada visokoškolskih ustanova.

Članom 18. Zakona o izmjenama i dopunama Zakona o visokom obrazovanju definisan je mandate organa univerziteta zatečenih na dužnosti.

Članom 19. Zakona o izmjenama i dopunama Zakona o visokom obrazovanju definisano je stupanje na snagu zakona.

OČEKIVANI EFEKTI

Očekivani efekti donošenja ovog Zakona su adekvatno uređena oblast visokog obrazovanja,otklanjanje nedostataka koji su uočeni u dosadašnjem periodu primjene Zakona,te usklađenost sa ostalim zakonskim propisima.

POTREBNA FINANSIJSKA SREDSTVA

Za realizaciju ovog Zakona nije potrebno u Budžetu Kantona obezbjediti dodatna finansijska sredstva.

PRIJEDLOG

Na osnovu izloženog predlažemo Vladi Bosansko-podrinjskog kantona da utvrdi prijedlog Zakona o visokom obrazovanju i predloži Skupštini Bosansko-podrinjskog kantona da u skladu sa Poslovníkom o radu stavi prijedlog Zakona na dnevni red prve naredne sjednice.

**OBRADIVAČ:
MINISTARSTVO ZA OBRAZOVANJE, MLADE
NAUKU, KULTURU I SPORT BOSANSKO –
PODRINJSKOG KANTONA GORAŽDE**

I - PRAVNI OSNOV

Pravni osnov za donošenje Zakona o izmjenama i dopunama Zakona o visokom obrazovanju sadržan je u člana 23. stav b. Ustava Bosansko-podrinjskog kantona Goražde ("Službene novine Bosansko-podrinjskog kantona", broj: br. 8/98, 10/00, 5/03, kojima je utvrđeno da „Skupština donosi zakone i druge propise u okviru izvršenja nadležnosti kantona, izuzev propisa koji su ovim Ustavom ili Zakonom dati u nadležnost Vladi kantona“.

II - RAZLOZI ZA DONOŠENJE ZAKONA

Osnovni razlozi za donošenje Zakona o izmjenama i dopunama Zakona o visokom obrazovanju mogu se podijeliti u tri grupe i to:

- Potreba za usklađivanjem Zakona o visokom obrazovanju sa propisima viših nivoa vlasti
- Potreba za otklanjanjem određenih nejasnoća odnosno pravnih nedorečenosti u Zakonu o visokom obrazovanju koje su uočene tokom njegove primjene.
- Potreba za definisanjem određenih normi koje će se primjenjivati u narednom periodu. (npr. akreditacija visokoškolskih ustanova)

Obzirom da se Zakon o visokom obrazovanju bavi pitanjima koja su od posebnog značaja za građane, preduzeća, ustanove i druge organizacije i zajednice, te da je potrebno izvršiti šire konsultacije, Vlade Bosansko-podrinjskog kantona Goražde na svojoj redovnoj sjednici održanoj dana 13.02.2017 godine utvrdila je Nacrt Zakona o izmjenama i dopunama Zakona o visokom obrazovanju i isti uputila prema Skupštini Bosansko – podrinjskog kantona Goražde u dalju procedure. Zbog naprijed navedenog predlažemo da Skupština odredi rok od 60 dana za provođenje javnih rasprava.